

## **Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 57. Secundum Concilium Nationale in Galliis, in quo subtractio  
decernitur.

---

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

ctus, Cardinalem Pampilonensem propinquum suum in Gallias mittere decernit, ut hujus consilii executionem impediret. Verum Rex cognita Pontificis voluntate ad eundem scripsit, eumque hortatus est, ut Legatum domi retineret, ne fors non sine rubore a suo alloquio repellereatur. Benedictus datis ad Bituricensem Ducem, ipsumque Regem literis, injuriam sibi hucusque inauditam irrogari acerbe conqueritur, sed surdas pulsabat aures.

## §. LVII.

*Secundum Concilium Nationale in  
Gallia, in quo subtractio  
decernitur.*

Rex Galliae denuo Synodum coegit Nationalem, in qua de subtractienda obedientia tractaretur. Haud equidem Rex ipse illi intererat, ut pote ex morbo suo rursum decumbens, ejus tamen vices egerunt Aurelianensis Dux ejusdem frater, Bituricensis, Burgundus, & Borbonius

15 Duces

Duces illius patrui, cum Arnaldo de Corbeja Franciæ Cancellario, cunctisque aliis Senatus Regii membris. Carolus III. Navarræ Rex ipse præfens erat, Castellæ Rex autem non nisi suos per Legatos. Aderant quoque Patriarcha Alexandrinus, undecim Archiepiscopi, sexaginta Episcopi, septuaginta Abbates, sexaginta octo Capitulorum Procuratores, præter Universitatis Parisiensis Rectorem, Facultatum Procuratores, & Academiarum Aurelianensis, Andegavensis, Montispeffulanæ, & Tolosanæ Deputatos, & plurimos Theologiæ, ac Jurisprudentiæ Doctores.

## §. LVIII.

*Gallia plenæ subtractionis viam adoptat.*

*Monach.*  
*Sandion.*  
l. 18. c. 2.  
*Hist Univ.*  
*Paris. tom. 4.*

Simon Cramaudus Patriarcha Alexanderianus hoc Concilium, cuius Præses erat, oratione Gallica auspicatus est, ac omnibus, quæ hucusque gesta fuissent, recensitis, subtractionem a Benedicti obedientia vel omni-